

稼

門

詩

鈔

東門詩鈔卷四

七古

皖江汪志耕

題詩

非拋心力爭題詩，心有餘力偶作之。
情不真摯詞空縝，剪紅刻翠不如已。
長城白戰復何心，三百篇終無嗣音。
我欲說詩迫三百，苦意淺薄志難逆。
但求辭達不求工，一和四壁鳴秋蟲。

三才篇

天地子丑人生寅，曾見開闢伊何人。
開天闢地誣盤古，更可笑者煉石補太初。
元氣爲并包天地，與人本同胞。
輕清爲天重濁

地惟人獨得中和氣從知一氣甄三才斯人原隨天地來天清
地寧人亦正均先得一爲之性性能宰氣氣分形一以貫之三
才成試援人情察天地喜怒哀樂會何異春饒喜氣百花開秋
含怒氣萬木摧夏舒樂氣長養盛冬懷哀氣閉藏靜更就天地
察人身目如日月光無垠首爲崑崙鼻中嶽腸似江河分清濁
好生之德大且深人心寧殊天地心人生養氣惟貞一剛大直
與天地匹天地默然究何言大哉乾元至坤元須識一元人共
具但曰善長卽可悟嗟乎生生不已性存存太極動靜互爲根
河圖洛書皆陳迹羲皇畫前原有易漫言開闢地與天豈有人

生天地前

仕學篇

見說宰官簿書繁欲分精力爲學難不知憑空講學非實理實
理卽在簿書裏試將訟獄一事研無情辭漫如雲烟或爭財而
影射或爭罪而株連或以膚受愬或搆污讒譏或敢指摘尊與
長或巧羅織富與賢或殺人而涉於謀故之介或爲盜而處於
強竊之間或圖詐而誣撈捕之戲或挾嫌而指帷薄之愆虛實
混是非顛烏白鷺黑皆茫然片言折不易老吏斷亦艱况民有
黠亦有拙應對拙恒不如黠黠者措詞圓圓則令人悅拙者出

言憊憊則令人怫兩造互相攻所恃虛心詰苟輕喜而易怒非
失入卽失出罪闢出入防偏頗其如刀筆吏奸何嚮獄舞文高
下手貧富生死請張科果桃李茹集賊坐鈎撻雜犯掩其苛嚴
刑峻罰墮術內忍蹙民命干天和吾聞畫地爲牢刻木吏義不
入誓不對胡爲今此下民情不如古人畏罪戾如得情亦堪矜
誰爲囚求其生官有上下非皆明心有寬猛非皆誠不明安能
善權度不誠焉得幾公平傷心漢酷吏遐想古祥刑寧爲陽春
毋霜雪或變雨露爲雷霆上下相蒙失輕重發覺咎難辭枉縱
下僚無全瓦大吏亦折棟國典卽倖逃天譴必切中吁嗟乎

折獄是專司何可聽盡無情辭去盡除殘有專責何可任施
周內策此中真僞不精思還從何處致吾知惟準情理辨毫末
去其僞兮真自出才是吾儕真格物格物真者知始真卽此自
新卽新民勤學簿書日日新豈徒勞此宰官身

手足篇

昔顧端文刺處州有兄若弟爭不休公呼二人詰之曰汝之兩
手兩足相爭不兄弟至親稱手足手足相爭怪而曲相爭應以
法相治各予一杖令代撲謂兄爲我撲若弟而兄赧然媿謂弟
爲我撲若兄而弟愕然驚二人相顧哭失聲再拜謝公臨去曰

自新得路永無爭吁嗟乎聽訟不如使無訟誰言道學皆無用
從知於人骨肉間勿太分明曲直關但就至情至性善開導手
足何難同舞蹈

明徵君

君不見飛龍在天伏虎嘯燭火無光日月耀莘野崇朝輟力耕
渭濱一旦罷垂釣遺榮軒冕遠塵氛僉稱古有明徵君俯仰沉
吟嶠嶺月往來貪看繖峯雲矯然離羣而絕類草莽難廢君臣
義戴德不辭笏簪冠承恩已受竹如意顧曰戴公事可依毋乃
昨是而今非居士自貽天子笑恥食周粟食周薇漫誇一誠三

毒格佛現金身光滿宅脫置理亂盡不聞何處容君着遊屐
名世外卽沽名不愛忠貞愛潔貞孤負一時加幣聘空勞半世
作書生青衫白度無施設巧托高隱藏其拙安得行義達道人
頭將處士虛聲雪

勢利歌

自古無如勢利何我爲勢利放長歌誰竊治權陰挾勢義不足
和專嗜利勢利出私門風俗靡如烟霧昏勢易迫利易誘誘焉
迫焉貴操守勢莫附利莫趨趨之附之何卑汗誘卽趨迫卽附
磨而磷兮心不固心不固兮辱其身毋怪嗤爲勢利之小人奈

何啻小人而并輕勢利幾忘此爲經世之靈器勢卽治權利本
相義利非勢不顯勢非利不行利可公諸天下勢必攬之朝廷
勢本原於道德道德明勢歸皇極勢莫重於典常典常正勢若
提綱勢莫大於刑賞刑賞公勢如運掌勢當陽政自行四方勢
後隄令難施一鄉利莫先於稼穡稼穡豐利濟艱食利莫急於
糴糧糴糧足利益戎行利莫溥於商賈商賈通利饒九府利能
生禮義亦可興利不興億兆且難生吁嗟乎勢繫安危焉可廢
利關生死焉容棄君私天下之勢利曰不公臣玩天子之勢利
曰不忠忘勢利而後能爲勢利主尊勢利而後能爲勢利輔彼

小人兮附勢趨利究何補彼小人之尤兮借勢牟利何肺腑勢
利歌中情不同聽我歌者當何從

敝帶 并序

乾隆戊戌余初筮仕用影帛二左右垂帶下爲飾越五
載色淪置閒笥殊可惜改爲袴帶加染青藍冀其可久
自是束腰間晝夜不解由霍而潤而蘇又歷五載敝甚
將解去計相隨已逾十秋依依如故人不忍捐棄什襲
而藏詩以誌之

人情交久情愈真背輕舍舊重圖新凡物關心亦類此低徊臨

別尤酸辛憶我初年通仕籍帶下雙雙垂影帛左垂刀佩共堅
貞右拂玉環同潔白學製慚無奪錦才茈茈拘束準繩來但期
順下如流水豈肯隨風着點埃無那星霜歷顛顛神采漸與當
時異綢繆莫頡爾鵬花閣淡徒存雞肋意爲憑染火施力覃濃
於河畔草拖藍翻舊從新費裁剪合兩爲一懲奢貪重加矜惜
風塵外相依仍作厓衣帶裙屐風流我自慙腰肢瘦損君應怪
箇中伸縮有誰知蘇州猶似霍州時慙愧香山恩意厚搜腸難
續故衫詩香燭光銷伴岑寂俯視帶垂增閱歷物理從來有苑
枯人心底事勞欣感溫涼異態春復春惟我與汝臭味親慙慙

什襲藏諸笥畱作衰年老故人

東嶽

巖巖泰岱特稱宗撰協青陽正位東德曰大生崇四嶽秩惟首
出視三公去年我過山之麓遙見白雲起崖谷蚤識權輿造化
奇不但爲霖滋百穀氣脈盤紆鄒魯山孔與顏孟生其間嶽靈
誕降元非偶肇起千秋夢覺關今歲簡書重赴

召私心竊喜來登眺車馬匆匆未久停展敬先爲謁岱廟峻極
環垣儼帝居拜瞻萬慮自潛除唐槐漢柏森靈氣介石豐碑礪
壯圖高山景仰情難已茲幸

陸辭復至此

乾隆壬子閏四月十一日

欲遂凌霄捧日心初步必自紅門起

天階坊上且止亭俯視井邑如棋枰不待振衣凌絕頂徂徠勢
已失崢嶸潄潄澗水滌盤路重疊峰巒迎北顧遙指羸氏大夫
松近撫白驪將軍墓鄧都峪裏樹烟昏九地樞機陰氣存見說
十王司冥府分明功罪雪冤魂峯廻路轉桃花峪芳草芊綿溪
水曲飄然疑入武陵源不知洗去幾塵俗高老橋頭風會殊仙
耶佛耶竟何如水簾洞翻千片玉石經峪曝八分書靈巖元氣
真磅礴森羅萬象壺天閣翩翩鸞鶴出雲頭朶朶芙蓉堆日脚
廻馬嶺前迴絕塵天關磴道石嶙峋上嶺客如登劍閣下山人

似墮層雲數折剛登岱之半黃峴排空渺雲漢笑他嘲噓做來
峯對此低頭愧流汗倒盤坦坦柳毵毵誰錫嘉名快活三茅舍
竹籬花競發龍蟠虎踞石相參片石猶畱御帳迹聞說真宗曾
駐蹕護駕泉飛萬斛珠朝陽洞廣千人室無數危崖無數松夾
洞對峙老蟠龍豈爲石生貪雨露歲寒心挺歲寒容仰窺南天
門幾許壁立第一險峭處千尋鐵鎖練雲梯一乘籃輿衝霧咆
躡而俯瞰十八盤賁育當之亦聯寒來往盤中人似蟻九曲穿
成珠一團望人峯有試心石元君惟視一誠格祇此動與不動
同靈應直驚登者魄太平絕頂泰山巔高冠羣峯上接天聰明

正直神何在指點真形石一拳放眼乾坤亭四面三百名山皆
拱見滄海東浮小似甌黃河西繞長如線月明我卧丈人峯忽
聽天雞唱曉風排軒日觀峯頭望赤玉盤起金波中碧霞宮殿
凌雲表偶來蠲潔清香裊試問古來梨棗錢於今我合輸多少
山光雲影共畱連此身亦若登天然饑餐處士松花粉渴飲玉
女池中泉愛向山僧問軼事捫蘿指脉太古字烏跡蟲書蝕土
花李斯篆刻誰拋置世傳無字是秦碑當年立此欲何爲焚書
不以愚黔首此更長畱千古疑磨崖碑紀開元剛怒猊渴驥擅
風骨鈎擣臨摹倍有神唐隸何慙兩漢碣高瞻遠矚重徘徊小

天下處孔子崖當日望吳誰侍立同看白馬一顏回物各有類
類如此見出類者歎觀止孔子聖中之泰山泰山嶽中之孔子
見其大者心泰然人心中自有泰山求其所安皆自得何須拜
瞻翠微天浩然之氣塞天地剛大宛肖泰山意生前人夢有神
來豈嘗忘自希靈瑞柴望一變爲封禪封禪再變爲神仙爲問
元封天寶主幾曾延命與延年西蜀長卿真下士遺書未奏身
先死媚君勢必至誣神平仲子明猶若是
皇朝典禮最精詳不重封山重省方

揮毫勒石

天章麗輝映雲山五色光古往今來紛感觸怪底輿丁苦催促
歸途記取向天門七十二峯環對綠

讀孝經

孝子仁人長往矣千古心存經史裏心天地心真仁人心父母
心真孝子仁元生孝孝生仁仁民愛物生不已後人不體生生
心空磨歲月研經史經史何處尋根源孝經一書乃其髓求仁
莫大乎親親入門請自孝經始

鬚初白

壬子仲秋

驚我鬚初白孑然皤如雪如雪吐清光映射兩鬢霜兩鬢霜華

三一日鬚又蒼謂是鬚乃髮之餘此白亦猶彼白與卽此可占
氣衰盛老先成態心不競百年過半應知非捋鬚起覽青銅鏡
時有繕生客請爲鑷其白我恐白叢生鑷之不勝鑷客曰不勝
鑷星星染爲黑鑷之復染之不減少壯色嗟嗟鬚於我何尤必
欲伐之不容畱白非白白白无咎曾問鬚白爲多愁千愁萬愁
不自遣反視一鬚爲冠讐垂白絲絲戒勿剪轉思將藥爲濡染
豈知清白世所珍本色漫使浮光掩客云君言高轉清毋乃不
近於人情官場自古輕前輩喜飾髭鬚步後生爰咨爾客我聞
在昔二老興周道四皓光漢德鬚眉男子重千秋豈以進退爲

欣感一進一退既綽然襟懷自不爲愁牽不牽愁兮不改樂問
君是否烏鬚藥

戲題方石伍詩卷後

詩律何嘗規杜甫丰骨嶙峋真石伍神奇邱壑富胸中名山三
百嶽惟五磅礪舊積青芙蓉下筆神來運鬼斧峯巒峻起摩空
霄矯若游龍猛蹲虎峯迴路轉皆詩境語帶煙霞藏畫譜含宮
咀微發清越琅琅之音扣石鼓傍花依木疊生春被蘚侵苔色
最古洞穿理窟豈爭奇趣有汁漿石有乳筆所未到氣已吞
坡何必鍊石將天補岐嶷賢士蠹丈人膚寸生雲化霖雨此

東用

奇章牛氏物甲乙丙丁何足數石中韞玉山含輝鹿湖合是開

山祖

石伍曾祖諱中發號鹿湖著有白鹿山房詩集

日廉曰介重家珍良工琢磨心太

苦峩峩高峙皖江濱英奇繼起撐天柱洞天一品石清華千秋
應作風騷主未知頑石誰點頭我笑生公說法普

河西傭

案明史河西傭不知何許人建文四年冬披葛衣行乞
金城市中已至河西爲傭於莊浪魯氏取直買羊裘而
以故葛衣覆其上破縷縷不肯棄力作倦輒自吟哦或
夜聞其哭聲久之有京朝官至識傭欲與語走南山避

之或問京朝官亦不答在莊浪數年病且死呼主人屬
曰我死勿殮西北風起火我勿埋我骨魯家如其言案
汪份記云余嘗問崑山相國立齋徐公建文時事相國
曰吾與執筆史館者至西山遍訪建文皇帝葬處無有
也蓋所爲葬之西山不封不樹者乃好事者之詞非其
實事故相國作建文本紀大書曰皇帝自焚崩而以或
日出亡爲疑案

晚凋葵沃沃解得傾心並衛足孤鴻飛冥冥珍重羽儀防弋矰
豈曰賢者集於蓼智反不如葵與鳥伊何人哉披葛衣心愴天

日何時了但留天日繫我情不願人間知姓名饑驅來往金城
市雪花蕩漾風淒清陽和何時回黍谷飄泊河西依豪族轉移
執事伍間民彷徨欲擊漸離筑塞草青青天宇空晝或長歌夜
以哭表出羊裘傲葛存一絲一縷故君恩黯然拂拭衣襟上點
點當時別淚痕京來舊識欲與語灰木無心商出處超然鶴翥
人南山一片白雲自容與可憐鬱鬱久居此潦倒心情病且死
遺言焚骸事亦奇必乘西北風何爲臣心不隨烟俱滅臣魂欲
與灰南飛遙憶當年大內火耿耿浩氣今皈依君不見孝孺子
寧皆斷舌英風凜凜猶書血又不見景清鐵鉉具奇骨鼎鑊之

餘仍抗節以此方之河西傭有死無貳將毋同却思當日捐軀
者猶得名留青史中惟有夔州補鍋匠與傭異地畱孤蹤嗟乎
其人姓名不可指要知心地元空空

寄贈袁簡齋西藏辦香二種

乾隆甲寅長至月西藏班禪額爾德尼仲巴呼圖克圖
遣人赴京道過金城貽我黃黑辦藏香二種黃曰唵巴
香黑曰庫庫香能辟寒亦可辟邪公餘靜坐輒拈少許
投古爐火上有液如沸清烟裊裊異香襲人須臾闔室
和之氣盈室遠勝藏中炷香也

昔我木蘭堂上吟凝香索句垂官箴韋詩閒澹真仙骨況政嚴
明總佛心得此二語頻搔首仙耶佛耶何處尋今有人兮堪髡
髡心餘簡齋兩奇崛心餘自稱爲詩仙並推簡齋曰詩佛詩果
如仙才不凡畢竟不如佛愛物先生於佛未嘗師慧業文人自
得之手拈一枝花微笑玉堂游戲金蓮照飛鳧能釋蒼生憂布
施法力無春秋勇退隨園大自在仰天長嘯白雲浮倡和往來
寓說法一時頑石皆點頭寄贈西天香二種氣味諒與倉山投
相投元在味外味豈勞生佛高歌酬

題梁山舟先生撰張太守葬鄧少宗伯記

嗟乎麥舟義至高范公千古稱賢豪那知曼卿亦仕者貧不能

葬何清操一與一受非偶然范固仁者石尤賢今聞東長少宗

伯

公諱鍾岳字東長世居東昌延試第一

六年三浙司文權教澤人人醇且厚正

直會不名一錢一生卓卓類如此天何奪盡佳公子

嗣君長汝功成進士

次汝敏舉於鄉歷官溫州司馬先後俱歿

體魄未安誰爲謀任恤空傳桑與梓桑梓

忽傳魄已藏積棺纍纍附其旁且擇賢者爲其後螺贏負子應

寢昌盱衡試問誰之力僉曰賢哉太守張

太守諱官五蕭山人

嗟嗟交道

賤如土東昌太守風何古從知宗伯感人深至今崇文

書院名

祀

栗至桃李咸懷化雨恩湖山長在馨香存山舟先生今賢者亦

自幸得登公門光嶽樓

在東昌郡城

高世爭仰我渺淵源心嚮往延

尉何公是我師

公諱曰佩號蒼水德慶人丁丑進士

我師嘗登山舟知辨辨心香

元可接臨風一奠東山巵

西湖

人間何處覓蓬萊杭郡西湖海內魁明聖千年從漢起

漢時湖中有金

牛常見光耀名曰明聖湖

畫圖一幅自天開靈根秀脈來天目蜿蜒渟峙殘

江曲武林水出武林山南澗北澗清泉沃金沙港外滙爲湖光

見金牛不受污負郭清于眉下眼環山明似掌中珠周湖二十

一里半湖光澈澹侵霄漢天生此水非偶然知不止供遊人玩

人物清華鍾地靈朱霞白鶴起西泠澈底詞源千頃碧倚空文

壁萬峯青秋多旱兮春多雨獨念杭州民太苦天時地利在人

和西湖誰作開山祖長源開後代多賢

唐代宗時李泌刺杭州憫錢塘瀕海民苦水惡

始鑿六井開竇引湖水以資民汲又建石函三閘以溉民田長

慶初刺史白居易始築鹽橋二河以利漕運復于湖造堰牐以

限蓄洩又取葑田泥積湖中亘南北爲長隄建六橋以通行者

西曰裏湖東曰外湖孤山北曰後湖裏外湖中聚碧漣潛輪六井王明福分流三

閘溉民田溉田千頃如金盃因時漕洩尤難緩或爲堰牐或筑

函稻花香時水正清江流水惡帶潮鹹飲鹹不但摧朱顏善矣

鄴侯穿鑿後萬家煙火不知艱江漲橋頭分二埧湖水常盈餘

派瀉洋洋北關濟運河糧艘千艘能上下無那私田怯水淹豪
民盜洩駛奔泉決湖不利錢塘令勺水慳分救歉年一盜一慳
成錮弊官民相蔽階湖厲申嚴啟閉勿違時頃畝尺寸均循例
香山記凡放湖水溉田每減一寸可溉十五餘頃選軍吏
二人與本所出田戶緣頃畝定時日量尺寸節限而放之功成
作歌著之書害有李白宋有蘇憂民之憂樂民樂三賢刺史如
斯夫我今欲覽全湖勝擊楫湖心心若鏡平眺亭前曙欲開溶
溶澹月三潭印亭左疏池曰放生生機活潑怡我情十里長隄
當放眼桃花春水六橋橫花柳含春誠麗矣就中最好日初起
美髯僊人去不還畫舫笙歌猶未已水滌橋斷一山孤荒巢古

墓訪林逋魂隨鶴夢依明月神寄梅花戀舊株平空萬象森來
到孤踞一亭真四照白雲收處山光明碧練澄時峯影倒臺高
照膽燭羣姦蜀漢將軍尙祀關玉印至今畱傑閣爭傳神物鎮
湖山陸宣公處唐中葉運籌帷幄强藩懾奏議長懸日月光祠
堂依舊沙堤接金沙甘畔沙如金六一泉懷六一人活火烹來
非茗癖清涼一盞醒煩心儒術迂疎更妄語浙東千載一提舉
社倉處處頌甘棠豈第孤山應列俎日中轉棹向湖東柳州翠
浪縈春風乍聽緝蠻不可見深藏葉底輕煙籠表忠觀枕澄湖
堰武肅功銘豐碣遠仁以保民智順天博得馨香歸故苑靈芝

會結紫陽緣掃花拂石坐寒氍毹莫笑慶元誣僞學念厓李杞得
真詮亭子灣邊春草茁習射健兒脫銜勒側耳弓聲燥未休輕
舫已到錢塘北寶石山腰大石幽相傳會繫祖龍舟三島難逢
僊境樂半生翻惹佛家愁落星石拱浮屠盡絕地孤標羅遠矚
歷歷江頭樹若芹層層海上山如栗昭慶吟殘結社祠望湖樓
上立多時風光無限春逾好一瞬收來清獻詩歲歲初陽升葛
嶺晴烘抱樸丹砂井羽化乘風已自僊虛墳誰補山中景十六
人登智果堂當年分韻盛詩章劫火非邀神力護那留坡老一
廛梁趺結松顛天作幕參破禪關最上著鳥窠自是不凡僧怖

鶴不聞聞喜鵲鬱然煙壘指洪公萬里馳驅爲兩宮流遞冷山
忠憤切乘機再造密書通十五年持蘇武節恨不生飲劉豫血
九死歸來作竄人堅貞直與鄂王埒忠武墓前忠烈祠耿耿忠
心婦孺知碧水難銷征北恨青山尙拱向南枝三字含冤千古
悼空誘鵬兒誣訐告鐵爲鑄象列神姦樹代分尸微顯報壯哉
羸官人繼忠喋血揮戈戰陣中銀瓶女子何純孝井底瓶投精
衛雄布衣冤語扶天理小校刀光撓毒虺遺骸阡藏隗順功均
從胙蠻風賢士前湖景比後湖多最愛臨風曲院荷綠蓋紅衣
新隨水宛如仙子醉淩波湖山靈秀寧無主別一洞天闢神宇

花神助化發天機不待人間催羯鼓橋環玉帶裏湖西晴虹采
與跨虹齊閣中帝子情何限春草年年綠上隄祠西別墅通沙
港疊石補山入竒想繞徑高低竹樹幽環溪三五亭臺敞丁家
山上小山房靜撫冰絃引興長翳若濃陰涵水石天然虛籟應
宮商老僧談禪龍撫掌滴滴珠泉持供養含清小沼泳丹魚澄
碧沙田生秀穠織烏橫截翠雲濃此地名傳九里松直幹曾邀
刺史植後凋不羨大夫封靈隱山開梵王闕雲林今易稚川額
一佛千佛豈分身一川萬川原一月玲瓏峯不是飛來戲語何
勞著相猜荒洞猿誰呼月下小亭泉自冷山隈韜光錫卓巢溝

曲能友香山詩不俗樓對三疊旭日紅磴盤夾道修篁綠忽聞
鐘磬送瞿曇仰望星河隔遠嵐嶂疊武林山本一香分天竺刹
惟三白衣端拱青蓮座道在好生天帝佐日賜日雨偶愆期間
說慈雲祈禱可三春高下山花開遠近焚香人往回石橋野店
都成市禮佛尋芳不吝財峯回路轉境何美竹邊梅外西溪水
人臨河畔課桑麻鷺立波心啄魴鯉複嶺重岡繞曲谿五雲山
裏五雲棲蘭知媚佛當階馥鳥解參禪傍竹嘯山不出泉猶棄
壩南岳虎移泉脈響撫碑剔薜蘿誦蘇詩滌盡塵根心骨爽龍井
茶先穀雨黃味甘還作豆花香平生于物元無好聊煮新泉一

勺嘗屹然一石鐫神運款識旁多人莫認赤烏千載後元豐鐵
牌玉佛含光潤南高峯對北高峯雲插雙峯欲盪胸誰知南極
三台近躡屨攀蘿上幾重卓哉忠肅真元弼熱血一腔安社稷
北好不通國體尊南遷力阻羣疑息共信金符貯上方偏誣少
保立藩王擬鎔徐石墳前跪隔湖林立續秦張法像何年雕石
屋森森五百有十六風曳閒雲掩洞門乳滋古蘚緣棋局秦望
山高樹莫遮會稽欲渡石谿舂海舶曾經羅剎險開平何幸沒
潮沙僊芝嶺外山宜麥大麥畦連小麥陌風翻翠浪湧千層日
照黃雲堆萬尺閒臨花港寂無譁逐隊輕條喋落花畫鷁歌來

垂柳外白鷗飛過野人家重到名園欣目縱嶽崎石筍心穿洞
截得壺中小有天半天清韻松風弄峯高慧日起南屏假屏翻
肖此山形守杭司馬摩崖在不重題名重教經淨慈巨刹元宗
教羅漢早參宗鏡妙夢裏從行未足竒井中運木空貽笑千尺
摩空挂夕暉回峯黃塔建王妃斷霞古道游人散南寺鐘聲落
翠微仰止勲賢崇俎豆武功文教思天授千聖精心入化裁一
時講舍延靈秀山張兩翼鳳來儀背挾松濤勢欲飛湖影倒窺
金翠動江煙分潤羽毛肥六州保障天心寄德在生民功在地
仁智爭傳武肅王誰知師我越公事

吳山汪王廟祀我四十四
世祖越國公諱華者唐高

祖以公保障有功封越國公持節歆宣抗睦婺饒六州諸軍事
余昔有聯云大業亂興公取六州而保之非叛隋也不忍視民
塗炭也仁矣乎捍患禦災至今日猶蒙恩澤長安鼎定公舉六
州而歸之非降唐也所以順天休命也智矣乎錫圭擔簦在當
年已極尊榮錢武肅似行公之故事不循曲磴上臺端瑞石何人信大觀山勢跨

城煙樹密江流馳海水雲寬湖山之勝嘆觀止未寫風情類如
此怪他南宋竟偏安莫雪中原喪地恥駐蹕錢塘足避鋒呂家
一語誤高宗况觀表裏江湖勝舍此何之是本衷那有一隅容
萬乘遷都建業王綱振王綱一振卜中興奚置秀才言莫信剛
收燈市又探春金鼓笙簫雜阮箏錦繖龍舟邀競渡香車寶馬
會迎神玉津富景修遊宴竟似承平景象見當時會否念西京

愁煞諸陵望祭殿萬觴千官夜不休盈盈粉黛伴公侯嚴粧自
耀水僊子新曲能翻菊部頭京兆堂堂鷓鴣選甘藏林薄爲嗔
犬粟金桃架北珠冠賺得司空如曠典重事不關軍國憂半閒
多寶度春秋蟋蟀場中爭勝負媚尼月下抱衾裯酒殘花謝空
餘燼湖化葑田豪右併五百年來元與明俄開俄塞均民病惟
我

皇朝撫八埏東南水利必

親權

籌海瀾安高禹績

巡湖日麗儼堯天水源重濬流無塞荷蕩陵陂咸順則日邊
恩共翠華來澤國于今歌樂國萬卷文瀾閣護芸敷文纔創復
崇文沐浴

聖涯歸實學爭看多士步青雲列朝祠墓依雲嶠高山流水增
光耀

賜酹非徒慰古賢咸識教忠兼教孝徑繞溪山選佛場香林修
葺道彌光不妨民事祈民福仁壽同登濟海航湖山效靈花鳥
媚

對景

揮豪興偶寄

宸藻輝煌勒翠珉永懷

問俗觀風意湖上我來欲放歌古今異議可如何遊人留戀如
西子杭人譁日銷金鍋礙不于倫湖不受惟偕明月涵清守水
太清兮浮議多人還鑒諒西湖否

自唐迄今詠西湖者殆數千家然雕剗雲石鐫刻烟波所以
表章西湖者抑末也今特變例敘水利于前以爲守土者所
宜先因以其次駢列古逸先賢祠墓爲佳山水生色不偏廢
也志家分孤山北山南山吳山爲四路而湖之東西諸景附

見南北兩路之間終覺眉目未清茲于水利下先及湖心由是而東而北而西而南敘次較爲分晰閱吾詩者庶如掌上之紋可循迹而得焉顧體仿記敘不免漫衍言之無文更足貽笑方家矣 自記

八月十八日觀潮

天地有至信萬古一潮汎往來大小無愆期元氣翕張渤澥隨盈虛消息與時轉固非神龍海鯨所能爲四瀛清晏潮平流錢江獨起大潮頭水岸橫飛雪崖射雷擊霆砰地欲浮或言胥種驅濤怒爲報吳越賜劍讎我聞屈原投江死湘江不見洪濤蹤

鴟夷水仙等浪說奔騰澎湃寧無由八月中濤四時冠水應月
華壯在秋況有龕赭山屹向山勢潮勢相激抗三疊下潭巨北
南蹙起銀濶走巨浪江流喜順下海潮偏逆漲一強一弱何能
當洄洑浸淫齧海塘海塘洵爲守土患患在急湍潰隄防兼恐
颶風助其勢膏腴倏忽爲汪洋活土浮沙安足恃一綫江隄百
里長塘或宜柴或宜石椿則杉不如松良坦水外持內土截鳩
工擇險早加鑲爲語捍江老兵士修治及時策止此塘身塘根
不可搖何須強弩來射潮強弩三千空委棄直與弄潮兒同戲

題明顧端文公闢卷遺蹟後

嗟乎國祚昌士氣揚士氣烈國祚折卓哉梁溪顧端文神熹南
朝第一人洞穿理窟執道要南畿丙子張厥軍爾時江陵位首
輔公不私謁通要津卽官誹議竭忠盡不負所學自始進晚年
講道東林開中以朋黨指黨魁芝蘭刈殺蕭艾盛衆君子盡國
亦摧誰知白賁守邱園非立氣節樹聲援末流賈禍咎攸致羅
織豈公意中事抑之愈下揚愈高三元齊名泰三爻萬歷丙子鄉試南直
得顧端文領解而北直領解魏公允中福建領解劉公庭蘭皆
知名當世庚辰成進士並以不肯謁江陵首輔不得預館選初
官卽署又以謬謗爲江陵所嫉所謂卽署
中有三元會惟日以誹議朝政爲務者也獨不見晦翁衍心傳
鹿洞集大全慶元攻僞學名亦最居先又不見晦翁登科錄藏

者珍如玉况此風檐手澤真士林傳頌倍精神士林傳頌倍精神
神道南士氣千秋振

題李石渠中丞西行圖記

金城送君來閩日

石渠由鞏秦階道遷閩臬

會歌西行敷政優西行圖記今

始見長髯何人立馬頭諦視馬上人相似授轡卽是仙渠不憶

君題我誦先冊涕泗橫爲棣萼流時因我兄及君弟人琴歇絕

嗟浮瀕

予慕先人造像十有四幅顏曰誦先圖兄問松像附於後公在甘題時三致意焉并詳公弟仙渠名鏡圖始末

初我筮仕赴三晉我兄曾亦送蘆溝蘆溝風雪判雙袂悲哉一

別成千秋吁嗟吾兄君季弟平生亦各憂民憂百里崇陽傳三

異余兄問松陽春有脚回潯州公弟仙渠彼蒼曷不念民牧玉

樓遽召文同修死者同歸生同慨空向圖中作唱酬柳筆茫然

三歎息何似隴上看雲浮公在隴頭有看雲憶弟圖寄潯州署

題鰲滄來刺史施粥圖

萬間厦萬里裘空懷志願何能酬由已饑由已溺思在天下惟

禹稷美哉今聞太倉粥億萬餓人皆果腹我欲長歌愁筆禿擲

筆三歎賢州牧

初頤園中丞以書來索端硯爰將素用硯贈之媵以詩

鈴閣由來有四友鐵面尙書交獨久此舊端硯余用之垂四十年喜其不雕不琢仍存出

目山面呵之輒澤扣無聲性堅質潤婉瓊玖靜鎮不摧龍鬚鋒坦

懷善發元香守其才其德兩無倫相與摩挲肯釋手觸來雲氣

時騰騰臨池一洗蛟龍吼况此區區稱良田一撥笑予勝千畝

孜孜窮日倒枯腸全藉泮妃才八斗

致虛閣雜俎
祝神曰泮妃

泮妃沉醉墨

花香高詠頤園梅爲首

頤園視學閭中於友清軒補種梅二花
時余過而得句花放向南枝臨風若有

思春來逢驛使
寄與故人知

思梅應擬梁何遜曾消滇池幾杯酒滇池飛來

雙鯉魚尺素莖辛胥幼婦殷勤索硯指端溪

頤園來書云向在
皖江得端溪硯頗

多均被都中友人取去囑贈二
方庶幾臨池拂拭恍對端人

豈似書生習氣狃當年白筆簪

蘭臺臺閣風生職不負節旄今擁碧雞山載道口碑歌父母敷

歷不自曰能賢鐵面婆心無出右惟此硯兮潤且堅差堪與君
作敵偶我何割愛竟與君知君三立能不朽知君三立能不朽
溫厲蚤希魯中叟

杜了翁

事載東谷贅言

廬山老儒杜了翁古心樸貌長者風或勸往從陽明學則曰學
在論語中言忠信兮行篤敬祇此六字奉爲宗敏求四十餘年
力力絕外誘防內訌躬行兢兢愧未得口談瑣瑣嗟何庸或云
聖道精且大豈以區區言行終翁曰吾聞言行者榮辱所主樞
機同又聞君子之言行一動能與天地通若外言行而講道吾

寧終老盲與聾陽明聞之肅然曰勿謂深山人皆侗嗟乎陽明

往矣翁亦往我恒悵望廬山峯

予丁巳庚申入覲均經廬麓

廉溪源頭廉隅

周茂叔知南康軍因家廬山蓮花峯下取營道舊居濂溪以名之曰廉溪

白鹿洞口白雲封

朱晦菴講

學洞中

周朱而後風難繼了翁踽踽留孤蹤誰識廬山真面目忠

信篤敬如相逢言行在翁翁不朽了翁在山山不空

贈西賓袁景堂兼柬袁天池太翁

慈烏夜夜揚哀音啞啞如訴反哺心千金之劍掛耶墓延陵季

子不忘故矧人性超萬物靈生鬻難分恩重輕春暉苟念寸草

報忍視所生窮無告螟蛉蜾蠃毋爭論

景堂本顧氏子也自幼出爲袁氏嗣今顧母亦

乏嗣欲令歸一子勢不能分身此身自叶螽斯慶螺贏還向螟
宗兩相持焉
蛉分嗟乎最可憐兮鰥與寡生養死葬誰爲也日薄西山時幾
何含情欲訴泣先下孝果兩全無不慈用告凡爲人子者

駢駢行

薰風解愠使星促奉

命來讞江西獄

江西樂安縣民黃乾六以當官挖塚具控董家成以迴護越獄監斃事至具控均經都察院奏

奉

諭旨令志伊

馳驛前往江西審辦周道曷克行駢駢輕騎相隨惟兩僕白雲

卽官亦如之同館同餐簡且肅先期一檄戒傳郵勿沿舊日紛

華俗素甘澹泊况炎天肴蔽小簋毋過六

予僅帶刑部滿司官祥公林一員沿途尖

宿同住一館兩主一席四僕一
席所用夫馬亦少故行能速也
北平山左淮南疆道邊垂柳綠

蔭涼停輿輒問田家事可憐亢旱民心惶過江繞道上廬阜一
登鹿洞舊講堂晦菴老翁不可見悵悵空嗟來豫章豫章城裏
設行館東湖環繞如錢塘竊聞昔年奉使者威福妄作心若狂
愁嘆人多苦桎梏歡歌日永舞霓裳賄賂潛通瞻徇切烏白將
黑事茫茫卽今嚴肅此風息候吏銜感

天恩長我豈妄希平反績是非曲直周推詳訊牒自審無枉縱
奏牘始敢達

廟廊公餘惟看蓮花放污泥不染彌清香回頭

北闕正依戀撫吳又荷

殊恩眷肅將

新命向東行道經興安玉山縣已到館驛未炊煙寧似馬周新
豐店數錢命僕入市沽菽乳湯兼脫粟飯加餐努力覺馨香齒
斷菜根老逾健非是東道主無情行色匆匆取其便覽盡烟嵐
萬疊秋銷聲匿跡過杭州悵望吳門已不遠驚心蛟負正多愁
下車復捧簡書讀飛文急獄緣沙洲

江南通州民盛拔羣以謀
佔沙洲殺命等事控經都

察院奏奉

諭旨

交志伊到任後審辦吳儂好利復好訟情僞亦似西江不

題前明陳文定公像贊卷後

并序

公諱敬宗字光世慈谿人永樂二年進士立朝四十餘年再入翰林而官南雍尤久名重海內事具正史公有待漏圖像嘗自贊而并爲之序曰凡人不可以太廉廉則貪汙者忌亦不可以太公公則欺罔者嫉太正則邪媚怨太直則阿曲毀愚也旣患四者之病而又昧於識時徒抱孤志不能變化兩入翰林預修三朝國史楊建安嫉予之寒畯而與蹇西川快予之斥逐尙畏朝紳議其不公廼調南京國子司業蓋陽尊而陰擠之也幸賴宣宗章皇帝仁聖司業九年而陞祭酒又九年入覲上

疏乞老又爲揚石首所沮又六年兩上疏得遂所請而
歸嗟夫權臣之勢其可畏也夫其可懼也夫迺自題繆
像曰海可竭而吾四者之志不可逼而敘山可顛而吾
四者之志不可劫而遷衆喧囂聒蛙鳴蟬噪而吾之志
行之而益力持之而彌堅自少而壯壯而老始終一心
而不變焉白雲在山明月在天灑然清風於千百年

健馬無銜舟無柁失其所制終頽墮人不立志亦如斯聖狂之
介貴堅持偉哉慈谿陳文定寸心能戰天人勝廉公正直本天
真我行我志豈徇人立朝丰采峻且潔四十餘年無易轍史錄

三朝袞鉞嚴師尊六館山斗瞻直道難容占泰否罔者媚嫉邪
者毀儻非仰託主知深幾何不阨於僉王吁嗟乎遷變無常天
下事不遷不變人之志此公此志足千秋不信還觀馬與舟

題舒文節公爲伍寒泉著探梅說後

并序

自古非臨利害遇事變則君子之所以異於小人者不
可得而見亦猶不至歲寒無以別松栢耳松栢尙矣其
次莫如梅凌冰雪而花其氣節之堅不亦可況君子歟
前明進賢舒文節公芬字國裳號梓谿正德丁丑以第
一人及第居翰林風概岳立武宗南巡杖諫者百七十

人公爲疏首杖特甚謫福建市舶司提舉世宗卽位詔復原官以議大禮復哭諫拜杖如前按此探梅說作於嘉靖二年五月朔在諫議禮之前一年也是年閏四月公服闋應召復官北上舟抵濟寧與吳門寒泉子伍工部餘福同謁闕里伍君因出探梅圖求題而公乃爲此說初伍君同蘭谿方君太古探梅於太湖之西山得詩長短二十四首此探梅圖所由作也今其圖畫不傳僅傳文節以下諸公題識耳文節六世孫香雍正間爲靖江令於江陰王文震處得此卷而表章之以傳其子道

南暨孫煥杰世世守之煥杰拔貢生呈於舉主翁覃溪
方綱作歲時攷并屬其補圖因乞揚州羅兩峯補之而
兩峯復作文節著說圖於後嘉慶乙丑之秋煥杰介元
和萬令屬予題予讀公探梅說冰霜在骨生趣在胸真
仁人之言堪與公之氣節并壽天壤不揣固陋勉題七
言古詩一首復手錄公說并延興門周雲巖摹其兩圖
別裝成帙爰卽是卷顛末摘畧爲記併七言古詩書於
後以志嚮徃之意云爾

正嘉之際推公才荆棘叢中一枝梅大廷對策能明道百花

上梅開早清班除授居蓬瀛內相寧不問和羹抗疏直諫持大
節何殊梅吐冰心烈廷杖百折會不回梅挺鐵幹任風摧彼何
人斯彬璉萼那能遽使梅花落吁嗟乎探梅有說勵寒泉聊借
梅花攄性天性天非戀梅花谷剝極慘慘一陽復一陽來復天
地心還向寒梅花上尋善哉割愛王文震探梅說歸靖江令二
百餘年手澤留廣平一賦同千秋多情更有覃溪老一見便作
歲時考復倩兩峯爲補圖香魂得返應如初我今忝撫江南土
萌蘖不許施斤斧素抱惟存結實思況值光風霽月時選工摹
圖手錄說留取西山探梅訣須知梅領天下春先得天心一點

仁

丙寅秋親勘淮揚海三州郡水災

嗟嗟淮揚生靈多不困
霑雨困湖河痛深瘡痍猶未起
爭奈盛漲復溢何
慨自甲子乙丑歲萬頃良田萬頃波
民無蓋藏疲筋力乘此水涸
蒔嘉禾盼望西成資接濟詎料滔天水更異
湖不能受壩開三灌輸運河堤又潰
堤內堤外水汪洋建瓴之勢不可當
高寶興泰十餘邑儼襟七澤帶三湘
更有王營開減壩計惟分勢堪洩
黃匪特安東被沉溺直趨海州漫沭陽
目擊殘黎災又逼口不忍言心惻惻
我心惻惻不忍言轉恐里氓心更極

特張片諭曉吾民養命原憑此稼穡何堪連年遭水殃況復廬
舍半傾側田園蕩盡生計艱小康且貧貧彌極毋棄父子毋流
亡我已籌貲來賑卹欽惟

天子愛斯民人告先期發廩困指日卽

頒恩詔至重重贖典皆

皇仁救荒自古無奇策救荒只患心不真一片真心卽奇策真
心安民不負君三吳有司多廉幹自有真心拯民難所慮猾吏
與貪官忍心喫盡子孫飯更恐蠹役與奸胥侵蝕不顧民糜爛
我承

帝命誨諄諄務期百弊一齊斷爰選隣邑數十員協力分查并
分散哀鴻嗷嗷莫遲延戶必親到口必判國計所重是民生最
要無遺亦無濫莫安黎庶慰

至尊實惠總期徧萬村卽今河臣奉

新詔籌疏海口就下奔得由地中歸渤澥何憂天上來崑崙河
旣治分湖亦治災區仍舊好田園吾勸吾民姑耐苦會看有年
有幹世世霑

天恩

我靠我口號

晚涼如水桂含顰我靠我之小影坐靜思國計在民生三吳重
擔一肩荷每問寸心安未安卽知庶事妥不妥抗懷千古惟尼
山時哉無可無不可其奈仰之歎彌高高不可攀萬仞峩浮沉
宦海有同舟同舟誰把中流柁勿論世途多嶮巇勿論人心藏
測叵奸官或偏繫名韁廉吏或反絆利鎖更有利口陳甘言殊
恐滑稽類炙輠更有小才欲見長恒虞多事徒釀禍和衷共濟
我素心其如人心不一那人常弄巧我守拙我以勤補人乃惰
豈知權度必用中中則特立無偏跛時勢意見有不同聚訟更
防事叢脞事防叢脞廣忠益我欲靠人人或左況人有能有不

能畢竟不如我靠我我靠我今意如何言行寧敢必信果情理

二友命主人

見予可
靠說

我惟靠此毋頽墮况茲斗室靜朋從一形

一影相猶儺言比白圭玷難磨淵乎小影無言哆大謀惟忍乃
有濟泰然小影無心火心火不動口無言我我同觀花幾朶

題趙孝貞女寄生館焚餘詩稿

并序

虞山孝貞女趙秉清字若韞福寧太守趙補廬長女也
母夢吞靈芝孕七月而生五歲卽解誦唐人詩七歲知
侍母疾九歲隨父宦京師讀書有感卽告父母曰女願
如嬰兒子也遇父母疾輒禱以身代或剖股和藥以進

自是以孝聞某貴人求爲婦不可奪迨父母俱逝作絕
命辭繼絕不得死今年且六十矣猶祀父母於寢孝思
不衰著有寄生館焚餘詩稿

誰率吾民出孝情趙氏孝女名秉清靈芝入夢鍾靈秀一點誠
心由天授寸心惓惓罔極恩父兮母兮娛晨昏因之慷慨撒環
瑱終身不嫁抱貞念有父太守字補廬老去同母疾交瘡女不
解衣亦不語或願身代或刲股至誠耿耿能回天不勞和緩沉
痾痊兩姪幼弟失所恃撫之教之終如始士大夫家聞其賢屢
倚冰人將語傳豈知蚤年讀經史矢志北宮嬰兒子嬰兒子風

高千秋若韞願學學更優定省之餘耽筆硯焚餘詩稿真黃絹
詩情深於蓼莪篇詩意更比柏舟堅年且六十猶處女思親不
見淚如雨寄生館中無忝生慈烏之孝松筠貞奇節不獲揚彤
管以孝教孝烏容緩我彰孝女三吳間牖民豈獨在虞山

題金東屏百老圖

人老心不老況百其人百其心誰能贊之以一道不見商山香
山各有圖九老千秋追四皓蘇州大藩地何妨百老圖再造噫
嘻人心不同如其面繪面如心奪天巧或健如雲間之鶴或峭
如海中之島或華如赤子之顏或瘦如古木之槁或電眼而

烟或雪鬚而鬢鬢面對面今忘形迹心印心今期壽考嗟乎壽考在人實在天命耶數耶豈能禱立命制數我之權道在一心善爲寶

題嘉興馮鶴山嘉禾應瑞圖

嗟爾嘉禾瑞傳自古胡爲乎不重生於樂歲之和風而秀發於凶年之淫雨雨淫水溢儼望洋浪花淘去禾皆腐仰事俯畜何所資苦哉誰憐貧農戶差幸涸出高阡陌又疲精力購苗補同畝而異穎歷歷皆堪數或莖一而穗七三或莖一而穗九五人以爲瑞賜天公我以爲神邀田祖特獻此物華聊慰民心苦

題蘇州珠明寺光賢和尚馴獅圖照

何物相感不以誠物情原不殊人情王者化治民熙皞郊藪麟
遊岐鳳鳴九江中牟兩循吏猛虎東渡蝗西避螟不犯境雉依
桑豎子仁心成三異我觀獅子座上人人耶獅耶何相親不二
法門無文字文殊豈曰獅能馴狻猊威在何須吼虎豹股慄熊
羆走搏兎力如搏象全奮尾茸毛大似斗銅頭有時亦低頭金
精剛化繞指柔法顯摩獅獅伏顯松蔭光賢別字亦以誠感不一誠
呼吸通蒼昊天雨靈花現瑞草倘守雲山昧真如袈裟空坐蒲
團老

苗疆行

大君父天而母地胞與懷不遺蠻類南蠻亦與中國侔尊親悃
寧殊血氣尚溪蔓滋猓犵狁由來蠢動無如苗苗亦人子同覆
載誰峨初生槃瓠胞後漢書范蔚宗作蠻傳高辛氏以少女配
婦其後滋蔓號曰南蠻蓋畜犬槃瓠負入南山生六男六女自相夫
惡其蠢動託異類以斥之種分紅黑花青白以苗服色
分此五種馴生者逆懿哉重華文德敷昏迷會聞干羽格我今奉

命苗疆行苗弁苗民夾道迎

苗疆西面則黔省松桃銅仁其東
南北三面則湖南鳳凰乾州永綏

保靖及永順之古丈坪五縣縣沿邊七百餘里予按臨所至
苗弁丁苗民童夾道迎送令至教場各加告戒分別獎賞

軾采風還問俗嚶嚶鳩舌偏多情吳龍石麻廖五姓

五姓外如
楊施張彭

諸姓非真苗也乃外民入贅遂成其類

誅茅結屋傍山徑礲山火種兼刀耕可憐

男婦力同罄饑炊黍梁潯波汙燎毛且及山林牲池裏石螺恣

取啖甕中灰汁用和羹艱於得鹽衣裙半製不嫌短條列青紅布組

纂項圍絡索光如球耳寶琅璫大於盃

苗人短衣繡花於邊項圍銀圈男左耳貫銀鏤

如盃大女則兩耳皆然以布錦爲裙青紅間道告凶卜筮寸心虔拋木鈞梳占自然病

倩靈巫驅百祟歿稱新鬼祀三年

苗人亦知卜筮剖木爲二擲地視其仰覆向背曰拋木卦

以線懸梳而禱視其所向曰鈞梳卦凡病必曰有鬼延巫祈禱釀酒剖牲約親隣飲福名曰做鬼及死以筊卜地塋之三日後

剖牲覆墓次年二月祭以牲楮如是者三年則不復祭

馬卽鳳侶樂復樂木葉蘆笙月下

作換記惟憑帶與巾但餽娘錢不爽約

望夕月下男女或吹木葉或蘆笙相悅卽以巾

帶相贈名曰換記以訂婚焉及至夫家則新婦
與婦母同宿必壻餽銀三兩始去名曰娘錢
天曰各達地曰

羅各達羅者苗
音稱天地也亦喜天地陰陽和狡黠尙民參漢俗侏離溪女

唱苗歌跣足跄然蘭重疊驍勇行比猿猱捷蒼莽箐中可疾趨

哈呀石上能狂躡苗男女皆躡足牙口一放排紛爭人事因之恒息寧

誰教撈湯分曲直也能刻木訛公評遇事投善辯者講之名曰放牙口事有暗昧則置油

錫驗手焦否以分是非俗無文字刻木以爲信從知苗性剛且復輕生好鬥拔山力仇

殺死抵數或多惟索牛馬償其值苗性剛直睚眦之際輒糾黨許捐軀門後計屍相抵多死

者則索牛馬財物以償謂之倒骨價況自古傳五溪蠻險臨惡水憑惡山精夫囁

強蓋小醜苗人渠帥曰精夫跳梁往往侵邊關非如他寇僭尊號譬之

疥癬勞爬抓桓桓漢將馬伏波臨沉一役斬多暴軍聲丕振進
壺頭山深水疾艱行舟炎蒸戰士半生死矍鑠靈光歸斗牛自
是代代有反側撫則滋驕誅則匿

皇朝獨符天地心雷霆雨露彰威德

廟謨戡定籌調馴能肩此任伊何人

嘉慶二年起至十二年止
經歷任督撫會奏以現任

辰永沅靖道傳觀察名鼎者在東冲山等處打仗三十五次隨

剿隨撫在在不遺餘力蒙恩海陞由令而丞而府道

賞戴花翎并屢奉不避艱險辦事敵械全收氣已奪傳觀察收

得力留辦善後事宜之恩旨

烏鎗刀矛手砲等戍樓加密威尤振傳觀察修築汛堡礮卡哨

械四萬一千餘件臺關門砲臺一千一百餘

座俱石工分駐屯丁七千名屯弁四十名且耕且守別於本廳

練勇一千名又於各苗寨設苗弁四百八十六名苗兵五千名

孝弟忠信關風教恒心必自恒產導均田稼穡贍身家

傳觀察收復各

苗寨侵佔民田并逆苗叛產共均田六萬一百餘畝給窮苗佃種可免爲非歲收租粒支放屯苗各弁兵口糧建倉廩一百間積貯穀四萬石庫貯脩設學詩書化桀鰲

傳觀察於各苗寨設立義學令苗人延師

課其子弟俾知孝弟忠信以格凶頑吁嗟乎善孚衆志成堅城一道強於十萬兵

謂傳觀察逆命而今皆順

命千秋無復禹徂征

南嶽

七十二峯青鬱鬱南嶽竟與東嶽匹泰山安安衡山平會得此

意胸懷清昔探泰嶽大生德

乾隆壬子歲予登泰山得七言長古一首

一脈盤紆鄉

稼門詩鈔

卷四

三

魯國聚天元氣鍾尼山顏孟分形悉羽翼執中千載歸時中道
集大成東山東孔不虛生聖之至岱不虛名嶽之宗衡鎮荊州
我持節政欲其平冀神挈輕重非衡不能平幽明職守應無別
士農工賈幾何人休戚利害疇爲陳兵刑錢穀幾何事繁簡淑
慝疇爲甄良善應扶強暴抑鰥寡應矜憫獨恤在在上關天地
心幽則維持明輔弼風俗端由教化移不在經師在人師儒術
亦似關天運漢唐何如有宋時五星聚奎開正氣賢才昌盛皆
純粹但於衡嶽觀人文卓爾已堪見大意濂溪倡學石鼓問康
侯作傳紫蓋邊晦菴南軒同遊覽最後來者真西山各觀山景

悟山性高明廣大心相印心性廣大極高明名賢名山互輝映
從知人本愛山來山靈亦愛來人才寒雪會因紫陽霽浮雲頓
爲昌黎開道遂以南萃精義書院相望環勝地南嶽志唐宋以
石鼓嶽麓集賢周濂溪胡文定張南軒等各書院俾楚人士問
道考德於其中不以學校科舉之意亂焉諺曰道林三百衆書
院一文藝不居器識先瀟湘儼若小洙泗造極登峯始快然今
吾也陟祝融巔嘉慶丁卯九月二十八日予閱兵至此先謁山
下新嶽廟然後登山宿上封寺次晨復謁峯頂
嶽心胸不覺盪雲海吾鄉瀟霍如當前瀟非承軫位離比奈何
漢武僅封此欽哉舜至南嶽尊柴望肅將如岱禮岱立無字碑
何爲欲愚黔首愈出奇美哉禹爲民治水告成功勒岫嶠碑

七十二峯衡山與泰山同也起二語卽揭明故不復叙其景而寫其意中間一言政事非衡不能持其平一言人文非嶽不能見其大寓鑒戒誌嚮往云爾

自記

秋蕎歌

民目盼盼同禾枯民心惶惶同地赤天不忍視旋施霖民又忙忙翻犁布蕎麥莖媽紅葉暈碧顙將黧花猶白赤地幾萬阡倏然成繡陌戒彼牧人勿縱牛羊侵蕎田嗟嗟蕎田民命脈前耗籽種錢竭力無餘積婦子欣欣慶有收又怕催科要如額不見

飛章告

天子緩其征已下膏澤慎哉臨民莫近州縣官須防蠹隱民乃
瘠况此蕎無多茅簷悉窘迫嗟嗟爲民父母而忍不護惜勿謂
天視聽渺渺雲霄隔

湖北水利篇

天下大利大害莫如水楚水曰江曰漢大無比禹隨高山濬大

川建瓴一瀉幾千里江自岷山開漢從嶓冢來西陵內方上

史記

白起攻楚拔郢燒夷陵吳志黃武元年改夷陵爲西陵古
名江經城南今爲東湖縣地內方山在今鍾祥縣西

山東

水滌涸西陵內方下地曠水喧厖沱潛雲夢勢莫殺况有洞庭

助勢風濤摧南國紀禹功美未導原先疏委江漢滔滔欲朝宗

大別山前江漢通不見大別山以上支河湖港紛歧於其中碁

布星羅郡與邑水耕火耨原與隰素號澤國水患多惻痌念切

哀鴻集大江代決萬城隄未有乾隆五十三年奇

六月二十日隄自萬城至

玉路決口二十二處水冲荊州西門水津門兩路入城官廨民

房傾圯殆盡倉庫積貯漂流一空水積丈餘兩月方退兵民淹

斃萬餘號泣之聲曉夜不輟登城全活者露處多日雲濤倒捲

艱苦萬狀下鄉一帶田廬盡被淹沒誠千古奇災也

奔巫峽雪浪橫翻走怪螭怒激窖金流毒烈

萬城隄對岸漲二十餘里逼溜射

隄釀此大禍洲曰窖金蓋蕭姓

利其蘆也會籍沒其家治其罪何當風雨助兇威慘如焚巢如

破釜荊州城漫作魚池

郡志諺云水來打破萬田廬蕩折無完

城隄荊州便是養魚池

地男女淪亡半腐屍所幸當年

恩浩蕩

特遣上公發帑帑

大學士誠謀英勇公阿文成公桂奉

旨

理隄工石磯城池兵房及

方城重築障狂瀾

左傳方城以爲城杜註方城山名在

撫卹災民買補倉穀之用

南陽葉縣或以此爲江陵方城誤矣江陵方城孫吳所築取古

方城之名宋末趙方之子葵守方城避父諱改曰万城又訛爲

萬城郡西萬城堤亦因以名

萬姓殘生加卹賞江水滾滾未安瀾漢水湯湯

亦激湍頻年決口民心痛十邑書災吏膽寒

江水嘉慶元年監利程公堤漫口七

年江陵六七等節工潰八十餘丈九年監利金庫垸堤潰至若

漢水自乾隆五十六年後天門沔陽漢川等州縣隄屢潰嘉慶

元年至十一年鍾祥京山荊門潛江沔陽漢川等州縣連年潰

口自數十丈至數百丈不等窪田積滯自五十三年至今未涸

試問隄何沒關鍵土性浮鬆地平行江監鍾京勢懸流流下荆

潛天漢河

謂江陵監利鍾祥京山四縣據江漢之上也荆門潰潛江天門沔陽漢川漢陽六州縣居江漢之下也

口七十處處洶

合計江漢潰口七十處

或竟橫決或直衝或倒漾而汎濫

或下注而奔溶水災不似旱災緩迅比浙江潮頭悍皚皚高浪捲空來千垵萬垵須臾滿人不及防命難逃何心計及田中苗不是乘屋卽緣木哭聲震盪干雲霄迨水漸消高阜出生死窮愁難具述若非

帝力稠疊沛恩膏百萬生靈不存一幾經疏濶畎畝多其如就

下沉田何沉田九百二十垵

民間於田畝周圍築隄以防水患其名曰垵每垵周圍二三十里十

餘里三四里不等

一望琉璃萬頃波測深三尺七尺或至丈內則低窪

外高仰桑麻雞犬久銷沉汙萊魚鼈偏滋長甚矣顛連二十年
光景還如降割前灑沈澹災回造化應憶堯時大禹賢下此韋
鄭猶難得誰給流民愧俸錢以予見聞類如此心懷惻惻何能
止肅將目覩真情形籌費疊疏告

天子入告方寸凜兢兢屢蒙

聖鑒頒恩旨想見

宵旰披奏章思民饑溺真同已

溫綸歷歷獎微臣盥誦如覲

天顏喜

嘉慶十二年二月予赴荊州查辦匿名揭帖一案將目覲各州縣田畝積澇二十年情形具奏并請將漢岸商

每年有督撫匣費十萬兩作為堵築疏消之用奉諭自應
亟籌勘辦匣費一項以公濟公事屬可行予因查閱營伍之便
赴各處履勘復將籌辦情形於五月彙奏奉諭所奏情形
甚為明晰辦理亦屬得宜并加恩緩徵積澇田賦附奏禁
止刁民曲防壑隣奉淮南捐金出至誠一日同邀

帝允行兩淮鹽政額公勒布奏匣費現無存款商等托業此事
楚省共相保衛愿共捐銀五十萬兩以應工用

有因亦有創上關

國計下民生欲除大害興大利人力何能與水爭性若執拗騁
私智不揆地勢與水勢高下淺深緩急間機宜一失事無濟經
流枝派漸淤高田原勢已低如坳漲非修隄無法禦澇非疏河
乏術消江漢夾流何潏潏郡邑腹背交摩盪驚心震魄萬千家

惟仗金隄作保障以堤爲命怕奔洩况臨大汎扇長風

每年三
大汎

花汎伏
汎秋汎

桃花水激濤聲壯竹箭流馳湍勢雄上游咫尺或不固

下游千里汪洋注長隄寸步或不堅通垵均受淪浸苦隄脚負

重貴堅貞或填水潭築土阬底面寬深及圍徑丈量一一要分

明隄身高峙忌陡削二五收分法預約

假如隄高一丈必須底
寬七丈先鋪土礮堅一

尺爲第一層內外各收分二尺五寸如斜坡形共收分五尺由
此逐層斜收而至十層共收分五丈則面寬二丈蓋隄無論高
寬若干總以每層高一尺兩
邊各收分二尺五寸爲準漫潰缺口堵宜先培厚加高毋淺

薄凹頂躺腰弊顯然甚至冒高創隄脚王尊會請身填隄此獨

何心不顧民之瘼喫盡子孫飯可憂脚踏實地貧猶樂退挽新

月本防危

凡頂冲最險卽於老堤後退挽一堤以防之如新月式

相度遠近要咸宜逼近

蹴起陽侯怒濶遠虛糜水部貲新坻外藉舊坻衛唇齒相依毋
排擠排擠引水人袖來汕齧隄跟害非細迎溜頂衝險莫支挑
溜逼衝仗石磯突出中流作砥柱保護全隄力健持或被波臣
頻震撼迅將磐石補殘虧取土戒勿近隄蹕須在二十丈以外
或宜再遠或翻沙切實計之莫傳會鋪土層尺勿稍過隄邊宜
杵中宜礮木杵響和礮鼓韻石礮聲應役夫歌連環夯築方堅
固試錐灌水久盈科

築隄每層鋪土不得過一尺連環夯礮後以錐扎孔注水不漏方爲堅固

濱江

濱漢隄爲主通江通漢河爲輔支河淤水道阻阻愈汴禍尤巨

萬口欲向言萬目淚成雨導之使暢言色變如談虎悲憫有同
心同心當善處測量水勢淺與深知淤厚薄在河心疏河不自
下流起過水必致上流滯下流導已利上流涸自易築填厚水
工節省無窮費上下決排徑已通水落有灘堦其際必須補若
任修阻復潛滋可惜前功皆盡棄身灣腰折忽分枝水緩沙停
須注意土方之數初無成曲直寬狹貴持衡欲知形勢憑灰線
要量高低用水平從出水推至進水區分應減與應增低者減高者增
各段適中平正地記取封墩作準繩高釘木椿鈐灰印灰印當
頭覆瓦罌繼此復勘收功者均來據此以爲憑土封旣畢通盤

計需費金錢數亦清中有尙未斷流以先於兩頭築堰填逐節
翻塘速開挑灰印如前杜影射挑得淤泥拋遠墟近則水衝卸
復淤一河必有兩岸翼卽以挑淤作培埴河旣深兮隄亦高是
爲一舉而兩得江北民田最窘窳水無出路空咨嗟我特爲之
尋出路

予在荊州據諸生萬慶陽葉嘉雲呈於三月初旬親勘往返八日

一葉扁舟泛水涯新

燕喜迎天欲霽春風暖皺浪生花尋到福田新隄首卽古茅江

水港口前朝堵塞築長隄百年被害誰之咎

監利縣福田寺卽古之水港口沔陽

州新隄卽古之茅江口前明大學士張公居正固有闢其祖墳風水築隄堵塞

決計重開兩隄頭窳田

積潦自通流江漲倒侵亦大患白圭治水豈良謀去患防患寧

無法開隄建立兩橫牖冬春啟閉協時宜高下後先垂令甲定

章程每年十月十五日先開新隄閘十月二十日次開福田閘不以隣坑為壑三月十五日先開福田閘三月二十日次開新

隄閘不使江水倒灌牖為疏通最要工伐石端方面面同梅花馬牙深入

固閘底木椿名雁翅燕尾密排豐閘口上下牆邊土戩須堅實閘牆外填

用三合土夯築縫裏灰漿務結融閘底及閘牆石縫中以糯米堅實俾免滲漏白礬熬汁和以細灰乘熱灌

人俾得流通漢南三牖久湮塞永奠陳公程文吾等恢復亟須人

盡力會家溝下閘新增可期水患全消釋土方估計弊何如合

築隄疏河土方價值弊竇恒開勘估初估挑淤河十日視積淤深淺弗模

糊不能以少報多估修舊隄十手指舊土高寬應簿書不能捏舊為新細開原

有老形勢均要明明一例除或就河中最淺處或就堤中最矮

區統連上下朦朧計

不得就最淺最矮處以概上下數十百丈統計弊混

一半實價一半

虛價實價虛咄苟且何若平分難易定多寡

挖河之土有旱方泥方水方之別修

隄之土有上方下方之分又均有挑運遠近不一者

兼築專挑事不同

疏河或兼築隄岸工難而價則多或

專挑河工易而價則寡

作基鋪頂功難假

修隄先作基工易而價則多憑此寡後鋪頂工難而價則多

事功計土方酌分價直乃精詳工員若赴藩庫領道途僕僕費

周章方伯發儲各郡庫

每府每次或二三萬四五萬兩不等

就近查看工分數隨

時動支給傭人較爲便捷免遲誤所慮生齒逐年繁食物增昂

已數番例價不敷情本實藉口賠累多浮言通融挹注久相紿

百弊叢生填欲海弊應全除值應加半倍一倍至二倍

工員因例價下

數輒虛報丈尺淨估土方以爲通融挹注之計上司明知之亦姑容之詎百弊叢生侵肥日甚予據實奏明每土方例價一錢二分者請加一倍石料長一丈寬厚各一尺例價二錢五分者請加二倍磚木加二倍石灰加一倍鐵斤加五釐匠役每工五分加一倍雜作役夫加半倍

此條經部議格於例不行

開河築隄佔民田衣食無資最可

憐也照買山錢付主不爲萬佃苦一個勿謂心稍盡已足培邦本形如釜底有沉田目擊沙堆連壓畛困至斯極豈天心苦莫能堪真民隱蚩蚩但乞獨賦

恩爲陳其情蒙

俞允曲防壑隣不顧人會張嚴禁告吾民詎料民不諒吾意猶

將焚聽言來陳

天門縣士民李純等呈請堵塞牛蹄支河口門以防漢水之浸是曲防也鍾祥縣士民李啟等

呈請開疏鐵牛關獅子口等處古河以分漢水之漲是以隣爲壑也

牛蹄河能泄漢漲口門一堵

漲彌壯漲壯必溢漢之隄小害未除大害釀獅子口與鐵牛關

一開如頂灌足然大害直貽數百里波及天門瀘漢川欲開欲

堵皆私見不顧全局圖已便斷斷不行心之公公心寧被羣言

煽更有田磽地低微或冀淤高或淤肥一方圖利矧隄岸四鄰

受害苦流離故決河隄有嚴例懲儆愚頑不嫌厲訪拏責在有

司官懲一儆百是大惠最可恨者積弊久人人視工爲利藪半

侵公項入私囊始則浮冒繼尅扣濫委官多弊愈多人地生疎

更掣肘藏獲朋比慣爲奸其儼如鷹盜如狗猾胥蠹役性貪污
攘竊兇於寇盜手吁嗟乎源污流濁誰導之表正影端念在茲

從古人存政自舉用非其人百事非卓哉王邱兩觀察

王觀察
名正常

字方山邱觀察
名勲字芙川

皎日爲心玉作骨明揚奏牘責成專總理鴻工

能果決方山分持北路綱安陸荆門及漢陽芙川分持南路籌

沔陽半壁一荆州郡守分疆司考覈

荆州周太守季堂安陸邱
太守採署篆胡觀察鐸署

荆門王司馬樹勲
漢陽劉太守斌

牧令各專地方責工巨如需襄贊人僚友之

中自簡擇推賢讓能懋大工協力同心熙偉績或堵或濬事幾

何繪圖著說隨方策原估無虛覆勘精直將百弊一齊革古重

農時戒勿違農隙冬春貴及時雨稀水涸堪趨事地燥土堅始
固基欲爲烝黎培氣脈先平江漢起瘡痍工竣分途親往驗

奉

諭勅俟委員修濬工竣仍
當親往驗收務令工歸實用

沿河隄上柳依依河旣深通隄砧

鞏十年保固責尤重夏波狂秋濤涌獾掘洞蟻穿孔攜持畚鍤

共巡防督率堡夫常護擁回思往事慮將來安得江恬漢靜長

無恐刪定章程三十三

陳太守桂生景司馬謙草創之幕友褚
茂才全德討論之予復刪其繁苛增其

缺縷析條分瑣細談行水不能行無事抗懷千秋對禹慙厥土

塗泥書自夏田惟下中賦上下大害能除利卽興是所翹望羣

賢者

題褚集齊茂才先世四公像傳後

褚師華胄多豪傑太平館裏人超絕

公諱伯玉

不須瀑布洗塵襟不

須白石磨高節上溯春秋遠大夫出處不同品同潔文史淵博

楷隸工巍巍僕射河南公

公諱遂良

唐室幾危武墜手公會置笏辭

高宗女禍又亞南郊獻學士批鱗据禮諫

公諱無量

松楸廬墓麋鹿

馴能爲孝子斯忠臣北金西夏誰禦侮樞密簽書資碩輔

公諱德饒

昌言督戰勿至和志存社稷才霖雨爛然勛業貴能貧清白傳

家南渡譜圖像傳記重尊親茂才繼起當繩武

謂集齋也

題褚硯賴孝廉草書冊後

并序

集齋茂才以其先人硯賴先生法書見示藏鋒懸腕殆
能繼河南公而起者因題七古一章

河南公本大書家君復縱筆如驚蛇旣勁挺而超拔亦屈折以
盤拏世豈無墨豬塗抹詡華麗皮厚饒頭總不佳譬之糟粕失
真味矯其枉者爭槎枒描勒畫刷紛相誇何如君守君家法如
印印泥錐畫沙

題闕文山我我圖

繪山繪水不能卜我鄰繪花繪鳥不能怡我神繪人面目不能
與我親曷若我我周旋繪我身更繪鏡中之我鑒我真一身之

外皆浮雲一鏡之中絕纖塵我我顧盼情誼敦我我對照正氣
存我心如鏡不稍昏我身在鏡不使分我有善兮我必因我有
過兮我自新我自與我非效顰天君泰然容申申誰爲主兮誰
爲賓還以質之鏡中人

題雲亭與公家傳後

木有本枝乃昌盤根錯節彌芬芳水有源流不竭盈科後進至
滂渤鑒菴學士今髯蘇曾題賤子誦先圖意重本原歌復泣特

將尊甫雲亭傳示予

公諱延瑞雲亭其號也

此傳具三絕

謂作者王文端公杰書者劉文

清公壻題者朱文正公珪

足表公品節賤子何能文勉爲歌一闕求忠必於

孝子門公能色養娛慈親乞假會聞盡子職鄉評知不孤

君恩殘書遺子先人志果宴瓊林授版使渾金璞玉重司農爭
羨卽官是

國器馳輶觀察古潼關奉

詔得覲

天子顏仰承

帝曰汝誠實

恩深知遇如邱山

深恩何以報福當爲民造商州朝邑水橫流有司忍不以災告

救災只患心不真真則頃刻迴沉淪公捐私橐請公帑膏澤一
下生萬人數年政不愧民牧惜哉潼商民無福告歸不作參朮
謀默體慈心恤族屬祠田義田又學田推廣

君恩捐俸錢敦睦上規范文正不以親疎而判一脈傳病起東
山觀

北闕綬綰糧儲赴東粵課羨絲絲盡入公吏不容侵囊不寶洗

苑澤物寧辭繁兩陳臬事多平反

公在陝在粵
會署臬篆

劇憐京兆祇五

日粵民如陝轅爭攀河魚疾作歸故里更作一圖課諸子備述

先人德與功應自仕元總管始

公先世居江右遠祖諱君弼元
季以待御出爲汴梁路總管子

揆一遂家於商城

溯從羣盜攻汴梁成仁大節完疆場藐孤旋櫬道中

阻卜兆卜宅家於商數傳義民又遷蓼

諱思名者遷固始義民其號也

目擊哀

鴻翰已粟事聞於朝旌其門積善餘慶及太僕

公會祖諱大僕初授當塗令不

拜魏閭祠除江水患調繁無錫錫有崇民患之公至卽遣去錫人刻造命錄嗣陞廬州郡守以禦寇功卒贈太僕寺卿

太

僕筮仕由甲科睥睨魏璫如么磨輿誦爭傳造命錄誠心立退

陽侯波明廷報最旋出守保障廬州力禦寇時乃芻茭峙糗糧

修彼樓櫓修斥埃艱時卒使危城全城全難保其身安積勞似

此宜食報天教後世箕裘賢公祖中復考唯肖

公祖諱德昌中復其字也公父

諱夢巖唯肖其字也

並列膠庠德俱邵德門不但此爲榮公子若孫忠且

孝我知兩湖文運開學士編修先後來公子名烜先於甲子年來提督湖北學政公孫
名其彥爲湖南化雨遐沾江漢士秋風拔盡瀟湘才吁嗟乎裕
丁卯科主考後光前有正鵠探本尋源動振觸我家越國胄遙遙何如西江
之水豫章木

題姪正宗看劍引孟長遺照

并序

正宗字長元一字石生乾隆癸巳夏從予入都甲午試
京兆得副榜考充鑲紅旗官學教習丁酉中式舉人嗣
教習期滿於乙巳年選授常熟教諭戊申予自鎮江移
守蘇州姪迴避調無錫辛亥俸滿保舉堪膺民社壬子

冬選授貴州龍里令癸丑春莅任地故孔道胥役爲奸
兼多盜民患之姪詰姦除弊頗著循聲甫月餘大吏以
爲能委接運故員周薰京鉛一百二十餘萬觔分載二
十四船自重慶盤收歷三峽之險漢陽易艘涉長江之
危至安徽無爲州之土橋中夜驟起風濤人力莫及沉
船三又於江蘇清河縣天妃牖急溜沉船一心膽俱碎
力盡精疲初患瘡旋轉痢而熱毒復發於股際遂歿於
直隸景州舟次時甲寅九月初一日也予旬宣甘省接
凶問遣丁代竟其事嗟乎慟哉豈知辭予赴銓之日竟

成永訣之期耶嘉慶己巳其次子觀光就傳武昌節署
恭捧此圖請題予按此圖係乾隆庚戌年作者時姪年
四十有六正司鐸無錫迄今二十年矣披覩遺像儼若
生前感愴予懷者累日成七古一章

詩中有畫追杜老義尚書劍繫懷抱汝昔檢書培士林引盃看
劍又何心太白天才英且捷少年擊劍爲任俠林甫甘言帶笑
容腹中鑄劍誰撓鋒短小鋒利惟特立半截劍酷能深入三李
千秋事不同料皆難入汝眼中長劍氣橫天外紫利用豈等毛
錐子棠谿劍稱天下銛穫稻曾不如鉤鑱從知懷才而小用羞

作冷官空講誦肝膽欲向何人傾百鍊須如歐冶精柔則銕兮
剛則折金錫和同伎巧絕黃爲初兮白爲堅蛟龍變化飛雲煙
智勇爲鋒清廉鏘斬邪去佞樹忠諤賢良作脊忠聖鑠豈同古
劍鬻千金上法圓天下方地中安四鄉和民意諸侯劍當百里
才汝果奉

命黔陽來平生國士恩難報龍里好把龍泉造風化剛爲繞指
柔民亦賣劍而買牛揮劍斬除百寶弊擊摧盜賊更銛利游刃
有餘一月間良民壯士胥歡顏破寶誤指石成粉咄嗟一用劍
光盡劍將逝去風淒然精力消磨舟運鉛亦知求劍舟徒刻長

江大河險莫測卽懸智慧劍當前難割愁腸百慮牽土橋天妃
驚破膽膏肓二豎來相撼膏肓利劍何能投慘似流星落景州
延陵季子不可作誰向松楸掛干鏌回思偕汝遊長安虎氣騰
上斗牛端甲子數載磨心劍兩戰文場折桂艷起懦無如說劍
篇補教授虞山比鄰處我守蘇州關考覈汝隨迴避移無錫我將
躍劍驅長鯨汝亦試劍磨新礪如何雙劍隨風起一上青霄一
墮水酸心走筆幽靈知扣劍悲歌酹一卮

題奚岡雪泉圖

在山白出山清雪耶泉耶素位行湮不緇撓不濁雪兮泉兮高

節卓獻絳雪飲食泉千載何人易性天雪泉詩

倪雲林清閨閣集有題雪泉詩

雪泉畫

奚鐵生仿雲林詩意作圖筆墨不讓宋元名公

北將摹本當軒挂

題張蓮濤明府硯齋訓子圖

銅雀一去如飛煙片瓦獨留人世間彼蒼留此有深意豈僅區區作硯田近墨者黑應取鑑阿瞞心迹難欺天世傳銅雀瓦隸古驗有錫花并雷斧巧匠何能僞琢磨琢磨奇絕皆風雨茲硯圓徑二寸強鴻臚張得於維揚幾經流傳到薛氏薛氏心地元端方端方教以義方止愛其子兮及人子謂其子曰張使君宰吾開泰疇能比撫字勞心出至誠庭森玉樹天之理好將藏硯

歸琴堂贊襄公子研經史研得經史意味真寡欲清心繼父美
美哉心不輕硯池鄭重名齋父作師三子趨庭來聽訓鼓舞爲
圖并賦詩瓦卮當與玉帶生詩中切切爲分明更念良朋投贈
意何以報之心太平以心太平永爲報天下士皆蒙化導我延
蓮濤課兒孫鵠虎也當知取效持來此圖屬我題我則何能彈
古調爲尋張薛二君心大意不外忠與孝教忠教孝硯足珍不
必問硯何材料家慶由來沾

國恩硯耕忠孝爲之根爲

國爲民綿世澤寧惟清白貽子孫

續卷四

題吳清夫壽予七十文冊

時行寒暑物枯榮太極動靜天地情致在中和斯位育皇極建

錫帝王局

此體用之大原也

明體達用方爲優學優仕優互進修吳子

清夫今退之壽予七十前致詞不作卮言直講道上下古今恣

論討學術治術道折衷大道不明術豈同楊墨老莊端已異管

晏申韓器又僞俗儒俗吏倆聖規儒也爲戲民命嬉

此體未立故用亦非

也卓哉宋代程朱作衷儒是非明聖學若假以權道德行禹臯

伊傅媿功名才不究用深可惜可惜豈惟宋儒策漢季挺生王

佐才諸葛公自隆中來學以廣才歸敬慎明志致遠無驕吝儒

者氣象禮樂兵

論武侯事功兵已效而禮樂未興然以才學言則實能興禮樂者蓋推治兵之效可以爲証也

三代以下孰與京

此有體有用惜乎不竟其用也

謬矣清夫欲許可妄援忠武

來况我兼稱撫閩督浙閩前後參觀學益純大夫士民同一視

一誠之積相終始噫嘻斯言不過歟未察我生究何如我之主

一靠實說

予有三說主一說治心自警也可靠說處事自警也實字說自警并警屬官也

聊以自警藉

補拙自警警人猶虛言勿認實獲爲心傳幼儀節韻便歌嘯學

規官鑑俱輯要

予著節韻幼儀并輯學規官鑑俱集純儒名臣語發揮天地帝王之心者居多此體爲有用

之體而用爲有體之用也

蓋憂人心風俗滿集儒先語爲轉移身教者從言

教詠名言精理幾無用安得賢者奉爲箴一觀天地帝王心
是詩可一望而知矣惟明體達用方爲優學優仕優互進修
二句似屬老生常談實爲全篇關鍵不可忽也因命正鋆正
變發明之以覘二子之識力其言曰體用莫大乎天地帝王
天地帝王之體用莫精于太極皇極夫一動一靜者太極之
體用也靜而生陰則時行寒焉動而生陽則時行暑焉寒暑
行而枯榮立見焉天地之體用如此建極錫極者皇極之體
用也建爲大本則致在中焉錫爲達道則致在和焉中和致
而位育立效焉帝王之體用如此然則世之學與仕者不蘄

至于體之明而用之達也豈得遽云優乎明也者必究乎天地至靜之原帝王建極之本以盡其格致誠正之功使明德之體無不明達也者必察乎天地之動機帝王之敷錫以裕夫齊治均平之要使新民之用無不達夫如是則體非無用之體而學優矣用非無體之用而仕優矣然豈學自學而仕自仕乎學優而仕非以爵祿爲榮蓋以仕驗其學之表裏精粗到不到也雖仕猶學也仕優而學非以清靜爲高蓋以學考其仕之舉錯設施當不當也雖學猶仕也此卽至誠能貫乎太極皇極之體用而無息者也此之謂互進修雖然

帝王之體用尙有不可不明者易之太極出於河圖河圖虛中宮以生八卦是太極實爲皇極之體也範之皇極出於洛書洛書主中五以運九疇是皇極又爲太極之用也則謂太極皇極爲體用之極也可然而難矣予閱其言已畧見大意因附載於後

杖謠

形猙獰性譎詭孰使來者般排衙行杖鬼手高手下偏怒偏喜意輕意重非情非理吁嗟乎痛哉痛深入骨髓誰知頭上有青天誰憐眼前皆赤子有錢者生無錢死

竹板歎

唐除杖背宋杖脊明改以臀受杖責仁暴只在轉移間我

朝仁行定例前杖人意在恥無恥百折四十竹板止黠哉貪官

欲立威酷以濟貪任意爲違例加重十三五

例載竹板重不得過二觔今加至十

餘觔連根帶鬚猛如虎政何苛兮民何苦創鉅痛深不能支虐逾

斬絞近凌遲嗟嗟使衆如赤子胡爲乎慈變酷如此酷吏餘殃

及子孫試觀其後幾人存

松竹梅三友

思古三聖任清和我欲尙友奈老何悠悠斯世誰堪擬靜觀物

理知同科森森千丈松交蔭克勝大厦棟梁任竹心虛兮竹節
貞此君日日搖風清梅早知天好生意衝寒花逗陽和氣物猶
如此人何堪古聖心如枝上含幾回相對欣相得娛我衰年益
友三

題李觀察

華封

臺陽運穀圖記

放舟大海汪洋中往來只藉一帆風颶風波濤狂不測無風檣
棹枝皆窮萬水朝東勢傾瀉捲入海底無旋蓬漫說指南鍼路
熟弗畏沙礁碎艤幢茫茫惟仗主忠信不煩拜禱風相從毘舍
閩海一番島

古國名卽
今臺灣

祖裸睢盱非人道自古未隸中版圖前

明始稱臺灣好同惡相濟顏與鄭

天啓間漢奸顏思齊據臺灣
寇海上諸州邑鄭芝龍附之

尋棄去

勾引倭寇東南擾復據赤嵌爲巢窟

荷蘭紅毛遭風至臺
築赤嵌城漳泉商賈

聚焉芝龍之子成
功遂賀蘭復據之

外援澎湖作牙爪

皇朝康熙廿二年特遣將軍聲罪討

施琅係安溪李文貞
公薦爲水師提督

乘風

一戰澎湖平降帆迎風出臺表

成功之孫
鄭克塽

廷議土地與民番履

畝區方新肇造一郡四邑暮布明一鎮九營星羅繞巡防奸宄

立驅除撫字醇良加惠保生番熟番退居山閩民粵民來種稻

天恩優渥破天荒就瞻曉日升扶桑南北表有千餘里山勢灣

環拱

帝鄉閩粵江浙凡四省藉此臺澎為捍防東西三百餘里廣

衍膏腴饒稻梁一歲三收倉患溢戍守軍需庫鮮藏

馬步戰守兵一萬四

千五百餘名
三年一換
年撥帑金廿萬兩解交臺澎贍戎行年撥臺穀十

萬石運回內郡充兵糧

福泉漳三府

兵輸戍臺眷在籍另頒眷粟何

周詳歷因年歉緩停運積欠穀至十五萬借碾中土常平倉歸

補愆期胥困頓商艘轉運恐累多胥役情弊當先問革除弊端

嚴檄催藉口重洋待風信非委大員往清查曷濟急需昭振迅

延建邵道李嵩山曾於計典薦其賢緣守恭勤公之訓

諱世傑由總督

陞兵部尚書
遇事踴躍尤爭先堪膺總催兼督運首列奏牘責成專

指臂之使不可少半武半文數十員又飭厦蚶兩丞倅倩大商
賈五十船每船配兵二十丁砲械金鼓聲闐闐分出厦門蚶江
口對渡鹿耳鹿港前三次輪運均勻配尅期載返毋遷延嗟嗟
兵精卽兵命緩不濟急心如煎可恨任催罔應久新舊積壓逾
多年可喜釐奸剔弊速三月疏通七運全民樂輸將商樂輓兵
皆足食歡開顏繪圖紀事真佳話丹青寫不到心田觀察若非
忠且信默默誠動於蒼天爭如風伯神助然八時過海三日旋
題方石伍拳莊新居

拳拳一善持弗失賢哉顏淵王佐匹不偏不易日中庸能擇能

得何明哲服膺不容須臾離直追唐虞心精一陋巷蕭然境屢

空木石鹿豕將毋同一簞一瓢樂不改知其樂在拳拳中拳拳

中有克復功勿蹈非禮歸仁風怒不遷兮過不貳滿腔善意如

春融我觀吾桐方氏學明善先生是先覺

諱學漸著有心學宗自堯舜以來及王心

齋凡五十四人

其論至善卽大中本體皆善原無惡取譬原泉出石間

其性本清而不濁撓之極濁澄復清從知人性生哉穀出山豈

移在山性清濁權由人把握餘慶必占積善家庭尉巖巖號魯

獄明善子諱大鎮萬歷己丑進士

巡撫三楚有潛夫

魯嶽子諱孔紹萬歷丙辰進士

密之不受

萬鍾祿

潛夫子諱以智崇禎庚辰進士屢遷至宰相十詔不受

遭亂藏身於佛門亦猶邵

嚴藏數十著有通雅百種書不改廬山真面目位白續編心學

宗

密之子
諱中通

世理學堪私淑私淑遙遙況一門詩發性情到白

鹿

諱中發著有白
鹿山房詩集

鹿湖獨善其身者子孫繩繩胥蒙福與石爲

伍與我隣我知石伍抱奇璞

鹿湖之曾孫名
于穀歲進士

昔我曾跋石伍詩

今又索題拳石屋

石伍移居新
屋顏曰拳莊

嗟乎礪溪石兆渭水璜柱石能

支大厦梁大器晚成心匪石石伍決不老拳莊顧曰終老農與

圓礎潤牛喘占陽雨梅環石丈靜怡情斯人不出蒼生苦饑溺

由已三思焉禹稷顏子易皆然獨善何如兼善溥勗哉兼善心

拳拳

稼門詩鈔卷五

五律

皖江汪志伊著

乾隆乙巳秋七月敬備 貢瓜恭紀

并序

案五代史胡嶠在契丹始食西瓜云契丹破回紇得此種大如中國冬瓜而味甘西瓜之名始於此今榆邑城南五里東西中三郝村所出瓜味極甘脆異他產然瓜以產沙土者爲良地近水則味酸性畏旱復不宜灌溉必其歲雨澤時均瓜味乃美俗稱三郝瓜廟祀織女瓠瓜星村民於六月間賽會祈寶瓜將熟獮狴常爲瓜害

藝者謹於防護雖中夜猶守町壟間康熙中

駕幸晉撫臣嚮禮以進

御遂爲故事由是榆次瓜名聞天下矣每歲辦瓜之法
先期邑令以銀十兩賦藝瓜者使爲植藝資穀雨節前
後擇戊辰日刈土坐以胡麻粃布種謂之安瓜蔓延尺
許下墊以糞上覆以土根緣蔓生爲力更大且免風掀
如是者二三次謂之壓條及七月撫軍遣官至縣謂之
看瓜瓜熟先取數十枚呈院曰樣瓜及期瓜盡落邑令
與遣官偕至瓜所謂之起瓜擇尤美而鉅足上獻者計

顆價值鈐以圖記盛以藤筐備健馱載京師轉運熱河
歲六百四十或八百有奇或副以千圓悉如憲命凡三
村所出瓜合之得數萬計非採貢瓜後雖已熟未嘗私
一二市也其敬如此

嘉種來西域滋培禹甸多綿綿沾

帝德嘽嘽飲天和采入邠風譜分成月令歌向榮心抱赤不用
吏催科

織女星精煜祥開郝圃三村連風入爽畦隔雨飛甘嫩綠天葩
散中黃地德參戊辰期告及擊壤拜花龕

鵲化攜鋤緩鳥來抱甕忙花爭冰谷豔味奪蜜筩香猶有貔貅
伺寧辭晝夜防離離疆場美未敢偶先嘗

七夕浮香遠同官選顆圓標奇鈴玉筴計直擲金錢筐篚連鑣
運絺巾待滌傳艱難皆

府鑒錫貢豈徒然

題李紹鄴藏宋文信國公琴

并序

余聞閩縣學李生紹鄴藏文信國公琴借觀之琴陰刻
松風一榻雨瀟瀟萬里封疆不寂寥獨坐瑤琴遣世慮
君恩猶恐壯懷消時景炎元年蒙恩遣問召入夜宿青

原寺感懷之作譜於琴中識之文山五十六字另冊紹
鄴自序其詩曰無絃中頓覺謾謾松風響動窗壁噫亦
相之忠魂當於是乎寄耳紹鄴已謝世余爲文勸乃兄
紹仁弟紹臯歸之文氏系以此詩

忠魂寄此琴曠代有知音風雨青原寺封疆萬里心君恩懷耿
耿世慮夜沉沉手澤歸文氏無絃亦鑒歆

自題戴笠小像

自顧乘車日寧忘戴笠年存吾真面目逢友好周旋一掃炎涼
意同歸渾噩天選工圖小像神致頗飄然

聞正修通判廣信郡官聲作有序

正修初抵西江金蘭畦中丞卽以書來謬以其才可用
屬予轉策務期出力當以少不更事覆之旋接正修稟
奉委查上饒縣田賦積欠訪其故不盡在民也爲之除
積弊而積欠清民不以爲怨而反以爲德復奉委清釐
府屬七邑詞訟積案轉催各邑令審詳其糾纏不能決
者提鞠之得其情一斷而兩造服隣屬民涉訟輒赴省
呈懇委審其案予慮其叢脞貽誤寓書金中丞勿重任
致訕蚊負中丞覆書云事事結實可靠甚得民心不必

過慮而凡白西江來者亦咸謂民多頌之予初聞而喜
轉念復滋懼詩以誡之

半刺日無何傳聞父老歌催科存撫字聽訟去煩苛器隘心如
滿駒昂慮轉多官箴加意守一玷萬難磨

中丞譽似過士庶望彌奢尙厠鵞湖學毋參鬼谷家一誠通造
物萬彙得生涯惓惓陽和意寒梅恰放花

玉斗楊文逸南臺趙汝愚和衷能共濟沛澤不偏枯漫說居官
好回思

賜廕無

君恩非易報况我雪盈鬢

曲蓋移廉鎮

嘉慶丙辰予由浙藩左遷江西臬司

皇華動使星

癸亥年奉使畿案江西

平情

成信讞彌教在明刑我豈忘前事兒當問已經廬山真面目莫改舊時青

喜雪吟

卜歲望天雪天公德意賒雨凝乾霰落風散瑞霙斜冷絮千山被輕瓊萬樹花來年豐預兆喜溢老農家

續卷五

喜聞家璵菴學使官聲作

并序

璵菴少宗伯乃吾宗越國公第七子爽公裔也嘉慶癸酉科爲浙省正考官遂留提督學政士習正民風隨以變卽仕風亦大有起色頌聲洋洋盈耳作此誌喜

雲嵐老鶴鳴宗伯振家聲正氣蒸於士高風化及氓滿懷生物意還抱救時情想見眞君子非徒似水清